

Paerewa Paetae

Aronga	Te Reo Rangatira 1.12		
Ingoa	Te urupare atu ki ngā tuinga reo Māori		
Kaupae	1	Whiwhinga	3
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Te Reo Rangatira		
Mana rēhita	Kua rēhitatia	Te rā i mana ai	12 Hakihea 2013
Te rā e arotakengia ai	31 Hakihea 2016	Te rā i puta ai	12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

ā-Tā, Āheinga Reo

- 1 *Ka whakaaro nuitia ngā pūkenga ka whakamahia e te kaituhi, e te kaitā e rangona ai tōna ake wairua tuhi, wairua tā rānei.*

ā-Tā, Rautaki Reo

- 4 *Ka arohaehae i ngā rautaki pānui e hāngai ana ki ngā take whānui.*

E hono ana ki te Papa Whakaako mō Te Reo Māori kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

Paetae Te urupare atu ki ngā tuhinga reo Māori.	Hei tohu i te paetae: <ul style="list-style-type: none"> • Ka pānui takitahi i ngā tuhinga reo Māori, ā, ka whakapuaki whakaaro mō aua tuhinga.
Kaiaka He kaiaka te urupare atu ki ngā tuhinga reo Māori.	Hei tohu i te kaiaka: <ul style="list-style-type: none"> • Ka taunaki i ngā whakaaro mō ngā tuhinga ki ētahi kōrero, tauira rānei nō roto i ngā tuhinga.
Kairangi He kairangi te urupare atu ki ngā tuhinga reo Māori.	Hei tohu i te kairangi: <ul style="list-style-type: none"> • Ka āta whakaaro, ka āta taunaki i ngā whakapuakitanga.

Kōrero Āpiti

- 1 E whai ake nei ko te whakamāramatanga o ngā kupu whaitake, kīanga rānei:

whakapuaki whakaaro	He whakaputa whakaaro, he urupare, he whakaō ki te tuhinga. Tērā pea, ko te urupare, he kōrero, he mahi, he whakaahua, he tānga pikitia, aha atu rānei hei whakaputa whakaaro, whakaputa kare ā-roto.
āta whakaaro	Ka tātari, ka arohaehae, ka arotake.
āta taunaki	Ka tiki atu ngā kōrero i te huhua o ngā rauemi hei tautoko i ngā whakaaro.

- 2 Kia rima rānei, neke atu rānei ngā tuhinga ka pānuihia e te ākongā. Ka eke te reo me ngā kaupapa o ngā tuhinga ka kōwhirihia ki te Taumata 6 o Te Marautanga o Aotearoa. Me reo Māori te katoa o ngā tuhinga, ā, ko ngā kaupapa he mea e arotau ana ki te hunga taiohi.
- 3 Kia whānui ngā momo tuhinga: he pukapuka, he kōrero i te ipurangi, he rātaka ipurangi, he pūrongo pitopito kōrero, he niupepa, he moheni, aha atu rānei. Ko te take tuhituhi: he kōrero pono, he paki, he tuhinga auaha, he tuhinga ā-waha, he reo ataata, he aha atu, he aha atu.

Kuputaka:

arotau	of interest to
pūrongo pitopito kōrero	news report
rātaka ipurangi	blog
taunaki	support with examples

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233